



落雨了的工課

昨昏落一晡的雨，塗跤澹漚漚，所有的花草即時青翠、鵲起起來，沃水的工課攏省起來，連心情嘛不止仔爽快。毋過，會了袂盡的檣頭無人會共咱偷做，雨落過是換無仝的爾，攏著愛家己踈落去做。人講「做雞著筴，做人著反」，一點仔都無重耽。

頭 1 項先去修理後尾門退接觸無蓋好的日光燈。提鉛線共插座縛予四正，莫予伊 lih-lòk 擱(hián)。烏銚烏銚的燈管剝起來拭拭咧，閤門倒轉去，嘛加足光的。早都愛做的檣頭，蹉(thōng)到今才正經有一个收束。

第 2 項是修理半樓仔浴間仔洗面槽的倚栓。先共進水的「三角凡而」關緬，用活板仔共歹去的倚栓仔剝起來換新的，一聲就好矣。

第 3 項是換穿靴管來去拈水路予通。溪仔明明都有咧流，干干仔圳溝焦焦無水入來，這才是奇。揀一枝倚欲 5 米長的塑膠管，踈落去溪仔底，對暗暗的涵空前前後後一直撞，一回閤一回，連鞭正月、連鞭倒月，大粒汗細粒汗流甲一頭一面，仙拭都袂赴。毋過圳溝全款恬甯甯，溪水嘛是無過來，真正是食飽換枵加無閒爾。

第 4 項是熱水爐下跤的進水管，滴一下、滴一下漏誠久仔，應該是 phak-kín 萎去。前幾若工有去買一條新的，規氣換換掉較袂膏膏纏。

上尾仔是昨昏的風雨遏斷足濟樹仔桎，若親像樟仔、樺木、錫蘭橄欖較粗枝就用拖的，順繼鋸予一節一節，疊起去柴堆。啊若散尾葵、露兜樹就隨葉仔拈做伙，準做起火的草網共燒掉。

舞一輾轉透，拄好日頭落山。才想欲歇喘一甌仔凉水爾，阿華就講伊規工覷佇厝內繡花攏無運動著。趁尾暗仔涼涼的時陣，恁伊去嘉義公園行行咧。我揣無較好的話通推，姑不將才允伊，就準講規身軀臭汗酸嘛攏無頓蹬即時起行。橫直車內有冷氣，閤較澹嘛吹會焦，焦就無味矣。

作者：藍春瑞

☆詞彙學習☆

【鵲起】tshio-tiô：活潑、活躍。

【會了袂盡】ē-liáuí-bē-tsīn：沒完沒了。

【踈落去】liáu--lòh-khì：親自下去做。

【四正】sì-tsiann：端端正正

【lih-lòk 擱】lih-lòk-hián：搖搖幌幌

【烏銚】oo-sian：烏黑色

【蹉】thōng：拖延

【倚栓】khīa-tsuān：水電材料名。裝置在洗臉盆上面，外形直立的水龍頭。

【三角凡而】sann-kak-huān-jī：水電材料名。

止水開關。

【活板仔】uáh-pán-á：工具名。活動板手。

【拈水路】khioh tsuí-lōo：把取水的源頭弄通。

【涵空】âm-khang：暗渠

【phak-kín】橡膠墊片

【萎】ui：磨損

【草網】tsháu-in：做為燃料的成束乾草。

【推】the：以託詞迴避。

【頓蹬】tùn-tenn：暫停、猶豫。